

DON RAMON

**** Recientemente e tremendo cantante DON RAMON, a lansa un fantastico produccion di un CD riba plaza.**

Ta trata di un pakete, despues cu e tabata 10 aña for di mundo di farandula. Despues di a haya hopi recomendacionnan pa bin cu un produccion, Don Ramon a pensa riba su cancionnan cu e tin caba, cual ya e publico conoce, y lo ta mas mihor introducci su mes cu e cancionnan aki, pa

despues producci CD nan cu su cancionnan nobo.

E idea aki a cay den un bon terra, y e ora e la a serca Watapana Recording Studio, kendenan tambe a bay di acuerdo pa cumpra y realiza e produccion aki mas pronto cu ta posibel.

E itencion tabata

pa finaliza cu e proyecto aki prome cu 18 di Maart, pero esaki no tabata posibel. Despues e la mira un bon oportunidad pa presenta e produccion aki, como homenaje na e 40 aña di Radio Kelkboom, cual sigur ta un bon exposicion pa e CD.

E produccion aki a ser realiza den Watapana Recording Studio, caminda a tuma un record di un luna pa forme den otro. Riba e Cd ta aparece ocho cancion, cual tur a ser compone pa Don Ramon.

E prome cancion cu ta aparce riba e Cd aki ta; **1) *Recuerdo* arr: pa Hildward Croes. 2) *Mi Bieuwnan* arr: pa Emile Kelkboom, 3) *Luna Scondi* arr: pa Emile Kelkboom, 4) *Bo Indecision* arr: pa Franklin Granadillo, 5) *Mi Tera* arr: pa Franklin Granadillo, 6) *Un Canto na mi Pais* arr: pa Hildward Croes, 7) *Boda di Safiro* arr: pa Hildward Croes, 8) *Cunucu di Seit* arr: pa Franklin Granadillo.**

E CD aki ta un joya di un produccion netamente Arubano, y cada cancion tin su historia y metanan firme pa conserva nos cultura, y tambe refleha nos juventud pa no cambia nos identidad Arubano.

Porehempel e prome cancion ***Recuerdo*** ta un tipo di protesta, caminda Don Ramon ta protestando cu nan ta lagando nos custumber y sistemanan un banda, y nan ta cambiando e pa completamente di otro caminda.

Tin biaha si bo puntra cualkier joven, nan ta enfatisa cu esey ta "ouderwets", mientras cu e no ta "ouderwets", pero simplemente nan ta cambiando nos identidad pa un otro.

Cu e cancion aki e kier a refleha pa tur hende cuminsa pensa, cu bo no mester tin berguensa di ta Arubiano, ni berguensa di tin loke Aruba ta representa. Pasobra tur manera cu si bo cambi,, e ora bo no ta Aruba mas.

DEN AMBIENTE ta recomenda pa tur bon Arubiano, tin e magnifico CD aki den nan coleccion, pasobra e ta valelapena !!....